

من يحجب عنك باب التوبة؟ قصة قاتل المائة نفس 2 | الشيخ

الحويني

أبو إسحاق الحويني

ان الحمد لله تعالى نحمده ونستعين به ونستغفره ونعوذ بالله تعالى من شرور انفسنا وسيئات اعمالنا من يهد الله تعالى فلا مضل له ومن يضل فلا هادي له. واشهد ان لا اله الا الله وحده لا شريك له - [00:00:00](#)

واشهد ان محمدا عبده ورسوله اما بعد فان اصدق الحديث كتاب الله تعالى واحسن الهدي هدي محمد صلى الله عليه واله وسلم وشر الامور محدثاتها. وكل محدثة بدعة وكل بدعة ضلالة وكل ضلالة في النار - [00:00:55](#)

اللهم صل على محمد وعلى آل محمد كما صليت على ابراهيم وعلى آل ابراهيم في العالمين انك حميد مجيد وبارك على محمد وعلى آل محمد. كما باركت على ابراهيم وعلى آل ابراهيم - [00:01:22](#)

في العالمين انك حميد مجيد اخرج البخاري ومسلم في صحيحهما من حديث ابي سعيد الخدري رضي الله عنه قال كان رجل ممن كان قبلكم قتل تسعة وتسعين نفسا وقال دلوني على اعلم اهل الارض - [00:01:41](#)

فدلوه على راهب فقال اني قتلت تسعة وتسعين نفسا توبة قال له لا فقتله وكمل به المئة ثم قال دلوني على اعلم اهل الارض فدلوه على راهب عالم فقال له اني قتلت مائة نفس الي توبة - [00:02:13](#)

قال نعم ومن يحجب عنك باب التوبة اخرج الى ارض كزا وكزا فان فيها قوما صالحين فاعمل معهم فخرج الرجل وقد ناء ب صدره الى الارض التي امره الراهب ان يذهب اليها - [00:02:50](#)

فما خرج غير بعيد الا وقبض اختصمت فيه ملائكة الرحمة وملائكة العذاب قالت ملائكة الرحمة انه جاء تائبا بقلبه الى الله وقالت ملائكة العذاب انه لم يعمل خيرا قط فارسل الله عز وجل اليهم ملكا في صورة رجل - [00:03:15](#)

تنقيس المسافة بين الارضين فالى ايتهما كان اقرب فهو من اهلها وامر الله عز وجل الارض فقال لهذه ان تباعدي ولهذه ان تقربي فلما قاسوا المسافة بين الارضين وجدوه اقرب الى ارض المغفرة بشبر واحد فغفر له فدخل الجنة - [00:03:52](#)

هذا الحديث هو احد الاسرائيليات الصحيحة وقد وقع لكثير من الناس ان الاسرائيليات يساوي المكذوبات والصحيح عند اهل العلم ان الاسرائيليات على ثلاثة اقسام القسم الاول ما صح الى نبينا صلى الله عليه وسلم - [00:04:23](#)

فهذا سيقا سيق المدح لفاعله فهذا يحتج به كله طبعا بضابط ساذكره القسم الثاني ما صح الى قائله من بني اسرائيل القسم الثالث ما لم يصح الى قائله من بني اسرائيل. انا عندي اول الاقسام - [00:05:07](#)

القسم الذي حكاه النبي عليه الصلاة والسلام عن بني اسرائيل وصح الاسناد اليه وفي هذا القسم قصص كثير عندنا مثلا قصة الساحر والراهن وعندنا قصة الثلاثة الذين انطبقت عليهم آآ الصخرة انطبقت على فم الغار. وعندنا قصة جريب - [00:05:37](#)

مع امة وعندنا قصة ايوب عليه السلام في بلاءه وعندنا قصة الخشبة عندنا قصص كثير وقصة الرجل الذي اوصى اولاده ان يحرقوه في يوم عاصف لئلا يجتمع الله فيحاسبه وقصة المرأة التي حبست الهرة - [00:06:09](#)

فلا هي اطعمتها ولا هي تركتها تأكل من خشاش الارض. قصص كثير من قصص بني اسرائيل لكن لابد ان يصح الاسناد الى الرسول عليه الصلاة والسلام وده اللي احنا بنسميه الاسرائيليات الصحيحة - [00:06:42](#)

وغالب امرها ان النبي صلى الله عليه وسلم ساقها مساق المدح لفاعله عشان كده الحجة انما كانت لاجل هذا القسم الثاني ما صح الى

بني اسرائيل الفرق بينهم الاول ان الاول ما صح الى النبي عليه الصلاة والسلام - 00:07:02

القسم الثاني ما صح الى قائله من بني اسرائيل هذا القسم قال فيه النبي صلى الله عليه وسلم اذا حدثكم بنو اسرائيل فلا تصدقوهم ولا تكذبوهم يعني مسلا اذا وافق الادلة العامة عندنا - 00:07:30

مممكن نستأنس به كالقصة التي يذكرها ابو الشيخ وغيره ان داود عليه السلام اصطفى رجلا من اهل مملكته هبطه اهل المملكة جميعا لقربه من داوود فلما ورث سليمان داود واراد ان يصطفي احدا من اهل مملكته يكون نجيها ويكون قريبا من منه ويكون صاحب سره - 00:07:59

قال لا اجد مثل جليس ابي فقرب جليس ابيه الى اليه آازدادت غبطة اهل المملكة لهم وكان ملك الموت عليه السلام يجالس الانبياء عيانا يجلس مع الانبياء بسورة ادمي - 00:08:39

طبعما ما فيش ملك مممكن يجلس مع احد بصورته التي خلقه الله عليها لانه خلق عظيم يعني الرسول عليه الصلاة والسلام لما تبدى له جبريل في غار حراء وقال اقرأ قال ما انا بقارئ - 00:09:07

لم يرى النبي صلى الله عليه وسلم جبريل الا مرتين على خلقته التي خلقه الله عز وجل عليها. المرة الاولى لما خرج من الغار رأى جبريل وله ستمائة جناح وقد سد الافق - 00:09:26

المرة الثانية رآه عليه الصلاة والسلام يجلس على رفرف ما بين السماء والارض يملأ ما بين السماء والارض اما فيما عدا ذلك فكان جبريل عليه السلام يأتي النبي صلى الله عليه وسلم على هيئة دحية الكلب - 00:09:45

وحتى الله عز وجل رد على هؤلاء الذين يريدون ان تنزل عليهم الملائكة اه بشخصها قال ولو جعلناه ملكا لجعلناه رجلا ولا لبسنا عليهم ما يلبسون. يعني لابد ان اذا جاء ملك ان يكون رجلا لا يكون ملكا - 00:10:04

كان ملك الموت يجالس الانبياء عيانا ففي مرة من المرات جاء ملك الموت ليجالس سليمان كالعادة وكان معه جليسه فلحظه ملك الموت لحظه يعني بص له كده بطرف العين فلما نظر اليه بطرف العين ارتعد جليس الملك - 00:10:29

وهو لا يدري من هذا فلما انصرف ملك الموت قال جليس الملك لسليمان من هذا قال هذا ملك الموت وقال انا لا اريد ان اكون انا وملك الموت في بلد - 00:11:01

ماذا تريد قال مر الريح فالتقذف بي في ارض الهند ابعد ما يكون فامر الريح فحملته. فذلك قوله فسخرنا له الريح تجري بامره رشاء حيث اصاب. رشاء يعني لا هي قوية ولا هي اخوة - 00:11:21

المهم الريح حملت جليس الملك وراح هناك في جب في الهند وبعد دقائق جاء ملك الموت الى سليمان عليه السلام وجالسه كالعادة فسأله سليمان لما نظرت الى الرجل فقال ان الله امرني ان اقبض روحه في الهند - 00:11:48

فلما رأته هنا لاحظته. فلما ذهبت الى الموعد المعلوم والوقت المعلوم وجدته ينتظرني هناك فاستلمت روحه ده هذا هذه الحكاية تدخل تحت قوله تعالى اينما تكونوا يدرككم الموت الموت ولو كنتم في بروج مشيدة - 00:12:14

فانا لما اكون باشرح هذه الاية فلا مانع ان اذكر هذا الجنس من الاسرائيليات ليه؟ لانه يدور مع الادلة العامة عندنا يوضحها ولا يضادها اما القسم الثالث من بني اسرائيل اللي هو الذي لم يصح الى قائله من بني اسرائيل فهذا نحن نطرحه كله - 00:12:45

فنحن اليوم مع الجنس الاول من الاسرائيليات وهي ما يطلق عليه العلماء الاسرائيليات الصحيحة مع رجل قتل تسعة وتسعين نفسا يعني ارتكب اعظم ما يمكن ان يرتكبه انسان بعد الشرك بالله - 00:13:10

ولعظمة الدماء فهي اول ديوان ينصب يوم القيامة لا ينصب قبل يوم يوم لا ينصب قبل ديوان الدماء ديوان كما في حديث ابن مسعود في الصحيحين يأتي المقتول وقد حمل رأسه - 00:13:36

على كفه ويجرجر قاتله فيقول يا رب سل هذا فيما قتلني باي ذنب قتلني والاية التي تعرفونها جميعا. ومن يقتل مؤمنا متعمدا فجزاؤه جهنم خالدا فيها. وغضب الله ولعنه واعد له عذابا عظيما. خمس عقوبات - 00:14:02

هذا بالنسبة للذي يقتل مؤمنا متعمدا يرى بعض العلماء الذين لا يرون بقاتل المؤمن توبة ان الله عز وجل اخلى الاية من الكفارة اشعارا

انه ان توبته لا تقبل لجسامة ما فعل - [00:14:31](#)

وقد روى الامام النسائي في مجلسين من املائه باسناد صحيح الى سفيان بن عيينة رحمه الله قال كل ذنب جعلت فيه الكفارة فهو

اهون الذنوب ولذلك لم يجعل الله للكذب كفارة - [00:14:59](#)

يريد ان يقول ان الكذب من اعظم الذنوب لكن الشاهد الذي اريده من كلام سفيان كل ذنب جعلت فيه الكفارة فهو اهون الذنوب. ليه ؟

توبة ما بتكفر يسقط الذنب - [00:15:25](#)

لكن المشكلة ان يكون هناك ذنب بلا كفارة يلقي الله عز وجل المجرم بذنبه كاملا ولصراحة الاية ولخلوها من الكفارة اختلف اهل العلم

هل لقاتل المؤمن توبة ام لا فذهب ابن عباس - [00:15:42](#)

في رواية وزيد بن يزيد بن ثابت في رواية وابو هريرة في رواية الى انه لا توبة له ونقول في رواية ليه لان هذا معناه ان كل صحابي

ذكرته له رواية اخرى - [00:16:07](#)

بان له توبة طيب التناقض الظاهري ده حله ايه حله الواقعة قد يكون له توبة فيغلظ عليه في موضع دون موضع واحيانا من فقه

اهل العلم انهم يتركون احاديث الوعيد ولا يفسرونها احيانا - [00:16:31](#)

لانهم لو فسروها لا تؤتي ثمرتها يعني مسلا تارك الصلاة كافر او من ترك الصلاة فقد كفر او العهد الذي بيننا وبينهم الصلاة فمن تركها

فقد كفر الائمة كسفيان السوري - [00:17:03](#)

يا احمد بن حنبل وجماعة من اهل العلم لا يفسرونها. يعني ايه لا يفسرونها يعني ما يعملش تفصيل في المسألة تارك الصلاة كافر قال

لك سبها كده ما تفسرهاش اصل انت لو فسرتها - [00:17:33](#)

الذي يترك الصلاة سيسبهم ويتماذى في ترك الصلاة. طب هتفسرها ازاى قال لك ما حنقول كفر دون كفر تارك الصلاة كافر يعني مش

معناها كافر خارج من الملة الا اذا جحد. اما اذا كان متكاسلا لأ يبقى مش كافر. لو دخلنا في التفصيل ده - [00:17:55](#)

فتارك الصلاة سيستمر في ترك الصلاة لان في الآخر يقول طب ما انا في الآخر انا مسلم اهو. صح انا مجرم كل حاجة وان انا مرتكب

لذنب عظيم لكن ما كفرتش - [00:18:18](#)

فقد يحمله هذا على ترك الصلاة غير لما تقول له تارك الصلاة كافر وتسببه يفهمها زي ما هو عايز لا سيما كلمة كافر دي في الاصطلاح

كافر. يعني خرج من الملة - [00:18:30](#)

طالما ان المال ليس هناك قرينة اصرافها عن الخروج من الملة. يبقى هي الاصل انه خرج من الملة بيقوم يقول لك ايه سب المسألة زي

ما هي. لا تفسر نصوص الوعيد - [00:18:45](#)

حتى تؤتي ثمرتها ليس منا من لطم الخدود وشق الجيوب ودعا بدعوى الجاهلية. طب ليس منا يعني ايه يعني يعني من غيرنا من

غيرنا اللي هم مين ؟ الكفرة فيقول لك سبها زي ما هي - [00:19:01](#)

لو قلت ان لطم الخدود معصية ولكن لا يخرج المرء بها من الملة هيلطم طالما انا مسلم طالما ان انا مسلم الحمد لله ولم اكفر ويعني

ضاق صدره فلطم. غير لما يبقى عارف ليس منا - [00:19:25](#)

فيومي خاف يقول لك ليس منا يعني كفر الجماعة بتوع التكفير والهجرة زمان مسكوا كل الاحاديث التي فيها ليس منا ليس منا. كل

ما يلاقوا واحد ليس منا يدوا له الكارت الاحمر على طول. طلعه برة الاسلام - [00:19:45](#)

فمرة جمعني به رجل جمعاني مجلس برجل من بتوع التكفير دول فهو وتلاتة اربعة فجاب بقى ليس منا ليس منا فقلت له طيب قال

صلى الله عليه وسلم كما في حديث زيد ابن ارقم - [00:20:01](#)

ليس منا من لم يأخذ من شاربه ده يبقى ايه عندكم ؟ قال ليس منا كلام واضح عربي. مش محتاج تفسير. لو قلت له لأ انا عايز عايزك

تفسره لي وانا اخترت المسال ده بالزات - [00:20:25](#)

قال لي ليس منها يعني كافر قلت له طب صاحبك اللي وراك يبهرم شنباته اهو ده يطلع ايه بقى ؟ ساكت عليه ليه ؟ صاحبك اللي وراك

دهوه وكنا سبحان الله مع بعض في زنازة واحدة - [00:20:44](#)

فكانوا هم لما يصلوا جماعة الايمان بتاعهم يغلط في الصلاة نيجي نرده ما يرضاش يقبل منا. طب ده حيبني هنألف قرآن؟ ها ما يرضاش يقبل منا. ليه بس احنا كفرة - [00:21:01](#)

خلاص فما اخدش ايه؟ اي معلومة من كافر يفضل ايه يتهته في الصلاة مش عارف يجيب الاية لكن ما ياخدش منا الايه؟ ما ياخدش منا فهؤلاء اتوا على كل ما قيل فيه ليس منا. لأ الضابط كما ذكرته انا - [00:21:17](#)

ازا كنا حنلقها هكذا على سبيل الترهيب يبقى لا تفسرها تأتي ثمرتها اكثر ازا كنا هندخل في بحث بقى اصله ايه وفصله ايه والكلام ده فلا مناص حينئذ من التفسير - [00:21:34](#)

الصحابه الذين اختلفت ارائهم في مسألة قاتل المؤمن له توبة ام لا اه كل موقف كان فيه فتوى. يعني ابن عباس لما قيل له قاتل مؤمن توبة؟ قال ثكلته ثكلته امه - [00:21:51](#)

انى له توبة في وقت في الوقت الذي روى الامام البخاري في كتاب الادب المفرد بسند صحيح عن عطاء ابن يسار قال جاء رجل الى ابن عباس رضي الله عنهما - [00:22:14](#)

وقال يا ابن عباس اني خطبت امرأة فابت امها ان تنكحني وانكحت رجلا اخر فغرت عليها فقتلتها اليا توبة فقال له امك حية قال له لا قال اتق الله وتقرب اليه بما استطعت - [00:22:33](#)

قال عطاء فلما انصرف الرجل سألته عن حياة امه لما سألته عن حياة امه فقال ابن عباس انا لا اعلم شيئا يقرب من الله مثل بر الوالدة يبقى ابن عباس يرى للقاتل المؤمن توا - [00:23:08](#)

في هذا الوضع وروى يزيد ابن هارون عن ابي مالك عن سعد ابن عبيدة ان رجلا جاء ابن عباس في ملأ من اصحابه فقال له القاتل المؤمن توبة؟ قال له لا - [00:23:33](#)

فلما انصرف الرجل قالوا له يا ابا العباس اولم تفتنا قبل ذلك ان له توبة قال هذا رجل رأيت انه يريد ان يقتل مؤمنا بس جاي عايز ياخذ رخصة فقرأ ابن عباس وجهه وجهه عليه شر وناوي يروح يقتل - [00:23:52](#)

فكسره ابن عباس قال فلما ارسلنا خلفه وجدناه يريد ان يقتل مؤمنا فعليا ودي بقى فراسة العالم طيب واحد يقول لك يعني هي المسألة مسألة مزاج ما هو كده احنا مش عارفين ما هو ضابط الفتوى. مرة اقول له لا يجوز ومرة اقول له يجوز - [00:24:22](#)

ما هو الضابط العلماء يقولون وخل بالك من القاعدة دي لانها بتحل مشاكل كثيرة العلماء يقولون اذا كان هناك حكم مختلف على قولين وكلا القولين له دليل يبقى من حكمة المفتي ان يستثمر كل دليل في مكانه - [00:24:53](#)

طالما الادلة لها قوة فيستثمر حينئذ كل دليل في مكان بل انهم احيانا يرون تفاوتاً بين الادلة فيستثمرون ثمرة الخلاف بين الادلة زي ايه كده النكاح بغير اذن الوليد على مذهب ابي حنيفة - [00:25:29](#)

هو جائز لعمومات نصوص عندهم ولان النصوص الصريحة عندهم ضعيفة. هم يضاعفونها اما بقية اهل العلم فيردون على الحنفية ويقولون كلب بل الاحاديث صحيحة لا ريب في صحتها وصحتها جماهير المحدثين. واليه المرجع في التصحيح والتضعيف -

[00:26:02](#)

مع ظواهر ايات في كتاب الله ايضا ترشح ان المرأة لا يجوز ان تزوج نفسها فصار عندنا مذهبان. مذهب الجمهور وهو انه لا يجوز للمرأة ان تزوج نفسها ومذهب ابي حنيفة وهو جواز ذلك - [00:26:38](#)

افترض ان رجلا تزوج على مذهب ابي حنيفة اتنين شهود مع موافقة المرأة بلا ولي انا عندي النص حديث عائشة اي ما امرأة نكحت بغير اذن وليها فنكاحها باطل باطل باطل - [00:27:03](#)

ثلاث مرات اهو وحديث ابي موسى الاشعري لا نكاح الا بولي طب لما يجي لك واحد يقول لك والله انا تزوجت بغير اذن الولي ما حكم نكاح هتقول له انت زان - [00:27:26](#)

واولادك اولاد زنا على اساس ان النكاح باطل لا ما فيش حد من اهل العلم افتي بهذا ابدا انما اهل العلم يقولون النكاح باطل لكن الآثار المترتبة عليه اثار شرعية - [00:27:50](#)

يبقى ما اقدرش اقول ان الرجل الذي تزوج بغير اذن الولي زاني. لأ مش زان والاولاد ينتسبون اليه هم ينتسبون اليه ده اسمه نكاح شبهة نكاحه شبهة ونكاح الشبهة تترتب عليه اثاره - [00:28:15](#)

المسألة تحتاج الى تفصيل وهي طبعا فيها كلام اكثر من هذا لكن ليس هو موضوع اللي موضوعنا في هذه الساعة او في هذه المحاضرة اذا انا لما اقرأ بقى ابن عباس مرة قال له توبة مرة قال ليس له توبة تنزيل كل دليل في مكانه هذا - [00:28:42](#)
هو الذي يسلكه اهل العلم فاعظم ديوان هو ديوان الدماء ولذلك هو الذي ينشر اول ما ينشر يوم القيامة هذا الرجل قتل تسعة وتسعين نفسا ذبحهم ذبح النعاج وواضح عجز القرية كلها ان تتخذ معه موقفا ايجابيا فتوقفه عن جرائمه - [00:29:05](#)
واغلب الناس لما يكون فيه واحد مفتري في مكان وعنده قلب جسور جريء لا يتورع ان يقتل وقد يمثل بالجثة تجد اغلب الناس يجبنون عن مواجهته بل يستخدمون المثل الذي يقول اذا لم تستطع ان تقتل عدوك فصاحبه - [00:29:39](#)
يبقى هو فتوة وماشي وتلاقي حوالياه مجموعة من الجماعة اللي هم عمالين يؤزونه اذا على القتل طب هو ماشي معه ليه حتى لا يقتل ما عرفش يقتله يصاحبه ده المسل الدارج اللي عند الناس النهاردة. بل ان فيه بعض الناس قد يكون اداة شر بالنسبة له - [00:30:07](#)

يعني لو لقاه ثلاث اربع تيام كده هادي كده يقول لي يا يا ابو السباع انت عيان ولا ايه ؟ بقى لك يومين ثلاثة لا قتلت حد ولا خبطت حد ولا الكلام ده. وبعدين انت استمررت بالمسألة ديت ممكن - [00:30:33](#)
ان يقفوا لك ها؟ لأ ما فيش اسبوع يعدي الا ما تاخذ لك خمسة ستة دبح كده وبتاع. تقول نحن هنا. طب ده الذي يؤزه اذا على القتل ده انما يريد ان يحتفظ بحياة نفسه. فعمل القصة دي - [00:30:48](#)
يبقى رجل له من يحطب في هواه واغلب الجماهير خائفة ولذلك لم يرده احد جرائمه كثيرة ضحاياه كثيرة ومع ذلك كما في الحديث اذن الله له بتوبة ده حتى لا يستكثرن احد ذنبه وان كان عظيما - [00:31:06](#)
لان ذنبك مهما عظم شيء ورحمة الله وسعت كل شيء لا يجوز لاحد قط ان يجعل ذنبه مهما عظم اعظم من رحمة الله لان رحمة الله عز وجل كما بينها رسول الله صلى الله عليه واله وسلم - [00:31:38](#)
قال ان الله خلق الرحمة مائة جزء انزل على الارض جزءا واحدا يتراحم منه الخلائق من لدن ادم عليه السلام الى ان تقوم الساعة حتى ان الدابة العجماء اي التي لا تعقل. لترفع حافظها عن وليدها خشية ان تصيبه - [00:32:01](#)
شف بقى من لدن ادم عليه السلام الى ان تقوم الساعة كم مليار بني ادم وساعات الواحد من كثرة الشفقات على الناس يبقى قلبه يتقطع وانت يا دوبك خدت لحسة كده من الايه من هذا الجزء - [00:32:27](#)
طب اه اين بقية الاجزاء وهي التسع التسع والتسعون هذه ادخرها الله عز وجل لعباده في عرصات القيامة يعني شوف في عرصات القيامة حديث يعرفه يعرفه اهل العلم بانه حديث البطاقة - [00:32:45](#)
حديث البطاقة من ارجى احاديث اهل السنة بالنسبة للعصاة قال صلى الله عليه وسلم يصاح برجل على رؤوس الخلائق يوم القيامة. يصاح يعني ينادى عليه فتأتي به الملائكة وتأتي بصحائف اعمالك - [00:33:11](#)
مائة سجل كل سجل كمد البصر ميت دفتر الدفتر ده الورقة طول وعرض قد ايه شف انت اخر منتهى بصرك لو انت واقف في الصحراء جرداء لا زرع فيها ولا ماء. شف اخر بصرك - [00:33:40](#)
اين ينتهي؟ من الجهات الاربع هو ده طوله عرض الورقة وهذه ورقة في دفتر ومش دفتر واحد دول تسعة وتسعين دفتر اهو كل هذه الدفاتر ذنوب ربنا تبارك وتعالى يقول انظر يا عبدي هل ترى فيها شيئا لم تعمله - [00:34:05](#)
لأ يقول عملتها يا رب تسعة وتسعين دفع ايقن بالهلاك محطوطيين على كفة ميزان والكفة الثانية فاضية فلما ايقن انه من اهل النار قال الله عز وجل له عبدي انه لا يظلم عندي اليوم احد - [00:34:37](#)
وان عندنا وان عندنا لك بطاقة. فتخرج بطاقة هكذا مكتوب فيها لا اله الا الله فتوضع البطاقة في كفة في مقابل السجلات فتطيش السجلات ولا يرجح بسم الله شيء يعني ما فيش حاجة توضع في مقابل اسم الله عز وجل - [00:35:04](#)

فترجح بسم الله عز وجل ده حليب اسمه حديث البطاقة وحمزة الكنانى له جزء في هذا الحديث الجليل جمع طرقه كلها وهو من ارجى الاحاديث بالنسبة للعصاة فهذا الرجل برغم انه قتل مئة نفس - [00:35:34](#)

وطبعا ابليس من وراء ايهاب الجرائم يضخم الغل والغضب في صدره ويعميه فيقتل اذن الله عز وجل له بتوبة وفي ناس ربنا عز وجل اخرجهم من جب العصيان وضعهم على قمة الولاية - [00:35:56](#)

ولذلك آآ لا ترتكب ما يحذر اهل العلم منه. ويقع فيه كثير من العصاة يقول اهل العلم من علل التوبة الالتفات الى الذنب في واحد عامل زنب ذنبا كبيرا. كل ما يبجي يتوب وعايذ يمشي ونفسه تتفتح للشغل يفتكر الذنب بتاعه. ييأس - [00:36:26](#)

فيكيف عن العمل ما هي دي مصيبة قالوا لا تلتفت الى الذنب. خلاص الذنب اتعمل وخلص وانت عارف ده شبيهه بايه في دنيا الناس الطلبة اللي بيطلعوا من الامتحانات يراجعوا مع بعض - [00:36:57](#)

طب انت طلعت ورجعت مع صاحبك وطلعت ان انت غلطان وحتسقط في المادة ده بيبكون مردوده ايه عليك بتصاب بالاحباط. تيجي تذاكر المادة اللي بعدها ما تعرفش تذاكر ممكن تسقط في المادة اللي بعدها او تجيب تقدير سيء - [00:37:15](#)

خلاص اللي اكتب اكتب لا تستطيع له تحويله ولا تبديلا. يبقى من الاخطاء اللي الطلبة يقعون فيها انه يطالع من الامتحان يراجع معه ايه؟ مع اصحابه خلاص اللي اكتب اكتب. اذا كان في هناك وسيلة الى استدراك ما فات. اه ماشي الحال. ما فيش وسيلة الى استدراك ما فات. اعتقد ان انت بتجاوب كويس - [00:37:35](#)

جدا وآآ عشان نفسك تتفتح للمادة الجاية. جايز يحصل نوع من التعويض وهذا شيه يعني آآ وقع لي. لما اكون طالبا في الثانوية العامة وآآ خرجنا من امتحان الميكانيكي وكان فيه صديق لنا - [00:37:59](#)

احنا كنا بنقول ده عبقرى الميكانيكي طلعت اراجع معه وكانت الميكانيكا ثلاث اسئلة طلع لي سؤالين غلط وسؤال واحد فقط هو اللي لا ممكن يمشي فلما رأيت ذلك وانا داخل على اساس اني هجيب مجموع ادخل به طب بقى والكلام ده - [00:38:18](#)

فلما شفت القضية كده قلت خلاص انا راسب هذا العام واتخزت قرارى بانني لن اكمل الامتحان طبعا اخي الاكبر تدخل لطافة كده وقال لي ادخل وجاوب ولما تعيد السنة وانت ناجح احسن ما تعيدها وانت راسب - [00:38:44](#)

على انها يبقى شكلك حلو ادخل اكتب فدخلت بقية الامتحان اكتب اللي على مزاجي والسؤال اللي عايذ تفكير اسيبه كان ممكن اكتب فيه بس خلاص ما انا هعيد السنة فيعني هتعب ليه - [00:39:09](#)

فلما ظهرت النتيجة اخر السنة طلعت انا في مادة الميكانيكا اعلى من صاحبي الذي راجعت معه طلعت انا جايب تلتاشر من خمستاشر وهو جايب عشرة من خمستاشر طب انا لو طقت في دماغي بقى ما انا ما اناش هجاوب وهاعيد السنة وهاطلع واسيب الامتحان - [00:39:27](#)

طب ما هو ده ايه كان سببه يعني؟ عشان كده باقول لك لا تلتفت الى الذنب. كل ما تبص له تقول اه هاروح في داهية فيقوم يحصل لك احباط لا امضي ولا تلتفت - [00:39:53](#)

وتمثل قول القائل وهو بلال ابن سعد رحمه الله قال رب معصية اورثت ذلا وانكسارا ورب طاعة اورثت عزا واستكبارا يعني ممكن الذنب ده هو اللي دخلك الجنة. والطاعة دي تدخلك النار. ازاي - [00:40:12](#)

قال لك عمل ذنبا فانكسر قلبه فكلما تذكر ذنبه جد في العمل حتى يخرج من الذنب فلا يزال يجد ويجد ويجد حتى لقي الله جادا وهذا الذي اثبت الطاعة يقول لك الحمد لله انا عملت اللي علي - [00:40:38](#)

فلا يزال يغتر ويغتر حتى يدخل به النار والحقيقة في سير العلماء احوال الناس احاديث كثيرة ووقائع كثيرة لاناس كانوا في جب العصيان ثم صاروا من اولياء الله ممن اتذكرهم الفضيل بن عياط - [00:41:02](#)

الفضيل بن عياض ده ذكروا له اكثر من واقعة في توبته احدى الوقائع تقول انه كان متخصصا في سرقة نادرة ما بيسرقش زي بقية الناس. لأ السرقة التي تخصص فيها نادرة - [00:41:29](#)

كان يسرق الحجاج يوم رايح في طريق انت رايح فين؟ رايح احج. طب معك قد ايه؟ معي كزا، هات المحفظة. وهات الفلوس.

وساعات يخلعوا هدمه فيرجع الناس ادراجهم الى بلادهم - [00:41:51](#)

فكان يصدهم عن البيت العتيق في مرة من المرات كان هو الفضائل وكان الفضائي ده الفضائي اللي فتوة. مش محتاج لا معاونين ولا الكلام ده فكان الفضيل بيختبئ في بعض الخرابات - [00:42:15](#)

مكان خربان جدار مهدود نصه وبتاع والكلام ده الفضائي راكن ضهره على الجدار اتاري اتنين من الحجاج المساكين عايزين يستريحوا فقاموا ايه راكنين على الجدار من الناحية الثانية فالراجل بيقول لصاحبه ايه ؟ بيقول له يلا يلا بنا بسرعة - [00:42:35](#)
قبل ان يتنبه لنا الفضيل طبعاً الفضائل اللي سامع الياه؟ سامع الحوار اول ما قالت الراجل قال لصاحبه الكلمتين دول فزع الفضيل بن عياض وقال هؤلاء اقوام خرجوا يأمون بيت الله لا يخافون غير الفضيل - [00:42:58](#)

يعني بلغ من شر ان هؤلاء الذين ما اخرجتهم الا عبادة لا يفزعون الا من الفضيل فخرج وعزم على ان يتوب ده حكاية في توبة الفضيل الحكاية الثانية ويمكن هي اشهر - [00:43:22](#)

كان الفضيل يعشق جارية ففي يوم من الايام حب يتسلق السور عليها فعلاً تسلق السور وهو نازل لها من على السلم سمع قارئاً يقول الم بأن للذين امنوا ان تخشع قلوبهم لذكر الله وما نزل من الحق - [00:43:43](#)

قال فتسمرت قدماي على الدرج وقلت انا يا رب يا رب ونزل من على الدرج وكان الفضيل بن عياض وبيروي ابن ابي شيبه وغيره بسند صحيح ان ابا موسى الاشعري رضي الله عنه وهو في سياقة الموت - [00:44:09](#)

لما كان يغمى عليه ويفوق وابناؤه حوله كان يقول يا بني اذكروا صاحب الرغبة وبعدين يغمى عليه اولاده مش عارفين من صاحب الرغبة فلما افاق قالوا يا ابانا من صاحب الرغبة؟ - [00:44:39](#)

فقص لهم حكاية حدثت في بني اسرائيل قال كان راهب يعبد الله في صومعة وظل على هذه العبادة سبعين سنة وكان ينزل يوما واحدا في العام الى السوق يتسوق يعني ويأتي بحاجياته - [00:45:06](#)

ثم يذهب الى الصومعة يبتدي بقى ايه؟ العبادة وانه نزل الى السوق يوما فرأى امرأة بارعة الجمال فكان معها في الحرام سبعة ايام ثم افاق وعلم عظم الجريمة التي فعلها - [00:45:33](#)

فجعل لا يمشي خطوة الا سجد سجدة فيسبح ويبكي وهام على وجهه في البرية يمشي خطوة ويسجد سجدة استغفر الله ويقوم يمشي خطوة ويسجد سجدة فادركه من الاعياء والتعب ما لا يعلمه الا الله - [00:46:03](#)

حتى وصل الى مجموعة من المساكين. مساكين العباد. وكانوا ثلاثة عشر رجلا فمن كثر التعب رمى نفسه في وسطهم وكان فيه واحد راهب بيبعت للجماعة التلاتاشر دول كل في كل يوم رغيفا صدقة - [00:46:33](#)

الرغيف ده كان هو بقى القوت بتاع كل واحد من التلاتاشر فقير ينظرهم دلوقتي وبقوا كم واحد واربعناشر وهم تلاتاشر فقير وادي الراهب الجديد الضيف الجديد اللي كان رمى نفسه في وسطهم اصبح اربعناشر - [00:46:59](#)

الراهب بيبعت لهم كل يوم ثلاثة عشر رغيفا والراهب بيعد بقى من الاول ادي واحد اتنين ثلاثة اربعة خمسة ستة كده لحد ما يخلص الارغفة تلاتاشر واحد كل واحد اخذ رغيفا يتفضل ايه؟ واحد ليس له رغيف - [00:47:20](#)

وواحد ده متعود كل يوم له رغيف فقال للراجل اللي بيوزع الخبز. قال له اين رغيفي قال ما كتمتك شيئا قال له انا لم اخذ رغيفا فقام حالف بالله ما هو مدي له رغيفا. لانه ما عندوش - [00:47:41](#)

الراهب بقى اللي هو بقى المزنّب الضيف الجديد سمع الياه سمع الحوار بين الذي يوزع الارغفة وبين صاحب الرغيف وهو كده نص نايم على نص صاحي قام رامي له الياه - [00:48:05](#)

قام الرميل والرغيف ثم مات من ليلته وهذا الاثر الذي يذكره اسناده صحيح مات من ليلته فوزنت السبعون سنة عبادة بالسبعة ايام اللي هو وقع فيها في الفاحشة فرجحت السبعة ايام بالسبعين سنة عبادة - [00:48:27](#)

ووزنت هذه السبع بالرغيف فرجح الرغيف ونجا الرجل فكان ابو موسى يقول لابنائيه يا بني لا تنسوا صاحب الرغيف انت ما تدري كيف يكون وجه خلاصك فلا تحقرن ذنبا ولا تحقرن طاعة - [00:49:01](#)

ان الشيطان دخل النار بذنب واحد وان ادم عليه السلام خرج من الجنة بذنب واحد وانت وانا ما يؤمننا ان ندخل النار بذنب واحد او ان يكون نجاتنا في طاعة واحدة قد يراها الناس لا شيء - [00:49:29](#)

قد صح عن رسول الله صلى الله عليه وسلم كما في الصحيحين ان امرأة بغيا دخلت الجنة في كلب سقته وانا لو قلت لاي انسان ينظر في الكتاب والسنة ولا يعلم بهذا الحديث - [00:49:57](#)

ما تقول في امرأة زنت عشرين سنة فلقبها كلب يلهث الثرى من العطش فرحمته فسقته. ترى اسقيا هذا الكلب تكون كفارة لعشرين سنة من الزنا يقول هيهات هيهات لما توعدون - [00:50:20](#)

ده لو سقت كلاب الارض كلبا واحدا لأ لو سقت كلاب الارض. اهو انا عندك الحديث اهو امرأة امرأة بغيا يعني تتاجر بعرضها رق قلبها لكلب فنزعت موقها وسقت الكلب فشكر الله لها فغفر لها - [00:50:45](#)

انظر الى المقابل كما في حديث جندب ابن عبدالله البصري في صحيح مسلم قال رجل لآخيه والله لا يغفر الله لك كلمة ممكن اي انسان منا يتورط ويقولها لانسان اخر - [00:51:15](#)

قال الله عز وجل من ذا الذي يتألى علي يتألى يعني ايه بيحلف علي. كما قال تعالى للذين يؤلون من نسائهم تربص اربعة اشهر يؤلون يعني يحلف الرجل انه لا يقرب امرأته اربعة اشهر - [00:51:37](#)

فالايلاء هنا هو الحلف. الله عز وجل يقول من ذا الذي يتألى علي. مين اللي بيحلف علي قد غفرت له واحبطت عملك اهي كلمة اسقط الله عز وجل بها عمل الرجل - [00:51:57](#)

فعشان كده بقول لك اذا اهتدى المرء بعد الذنب الى توبة فهو مسدد زي الراجل ده لم يمنعه عظم جريمته ان يقول دلوني على اعلم اهل الارض وكان موفقا جدا في سؤاله - [00:52:20](#)

والسؤال وحسن السؤال نصف العلم السؤال نصف العلم لان هناك علاقة بين السؤال والجواب. يعني السؤال اذا كان صحيحا يأتي الجواب كرجع الصدى. بالنسبة للسؤال على وزنه وعلى معناه كما يحكون في الحكايات يعني - [00:52:43](#)

التي يؤدبون بها الاولاد. ان صبيا صغيرا اخذ حربته وذهب الى الغابة ليصطاد وهو في الغابة كده قعد يصرخ فكلما صرخ رجع اليه صباه فسكت ثم صرخ فرجع اليه صده. فتصور ان هناك غلاما اخر يغيظه - [00:53:13](#)

اللي بيعيب علي بقى هو اللي بيقلدني ولا ايه اخذ بقى العصاية بتاعته وقعد يلف في الغابة علشان يشوف فين الولد ده يدي له علاقة ولا حاجة لف لحد ما تعب - [00:53:45](#)

كل شوية يصرخ يجي له الصدا ابن الزين ده مستخبي فيه. ويدور برضه في الغابة مش عارف يجيبه فلما لم يظفر به رجع البيت كاسف البال امه لما رآته ما لك يا بني؟ - [00:53:59](#)

قال لها كان في ولد يقلدني وقد اغاظني وبحثت عنه لاضربه فلم اجد طبع بيقلدك ازاى قلت له ايه؟ فيقول لما صرخت صرخ مثلي فقلت له من انت؟ فقال لي من انت؟ - [00:54:18](#)

فقلت له انك حقا قبيح فقام قايل لي انك حقا قبيح. فرحت ادور عليه علشان اضربه فتبسمت الام وقالت يا بني لم يكن ثمة احد انما هذا صدى صوتك ولو قلت حسنا لسمعت حسنا - [00:54:42](#)

بدل ما تقول انك حقا قبيح ما هي رجعت لك انك حقا قبيح لو كنت قلت كلمتين كويسين كنت سمعت الكلمتين كويسين. يعني ايه الصبا الصوت ورجع الصوت اللي هو الصبر - [00:55:06](#)

السؤال والجواب بببقوا كده يطلع السؤال جيد فتعين المفتي على ان يجيبك اجابة صحيحة يطلع السؤال غلط يطلع اجابة المفتي غلط ليه؟ لان المفتي مقيد بما آآ بالمعطيات التي يأخذها من السائل - [00:55:22](#)

فهذا الرجل الموفق قال دلوني على اعلم اهل الارض ما قالش دلوني على عالم لانه عارف ان وراه مشكلة كبيرة وتسعة وتسعين نفس والكلام ده فيريد ان يخرج من هذا الذنب الكبير - [00:55:47](#)

عايز واحد كبير عالم يريده عالما جليلا مش واحد بيتزي بزي العلماء زي ما انا ساذكر الان فدلنا الناس على راهن راهب يعني عابدا

واختلاط الازياء اكبر مشكلة في طريق الحق - 00:56:08

يبقى المؤذن في المسجد ومقيم الشعائر والخطيب والعالم يلبسون زيا واحدا فيقع لكل الناس ان هؤلاء على وزن واحد في العلم هتبقى مشكلة يعني مسائل كثيرة في الطلاق تبص تلاقي الراجل رايح لواحد مقيم شعائر في مسجد - 00:56:37

عشان لابس العمة والكاكولا والبتاع والكلام ده يتصوره كهذا العالم اللي بيظهر على شاشات التلفزيون او او هو مثواه في الفتوى والكلام ده كله لابس زي بعضه فيقول له يا مولانا انا عملت كزا وكزا وكزا وكزا - 00:57:13

قلت لها طارق يحلك ابو حنيفة يحرمك ما لك. يحلك ملك يحركك ابو حنيفة مش عارف مين وعمال شدد على نفسه الكلام بس يا مولانا كت زعلان جدا وكان سدر ده هينفجر منه - 00:57:30

وعندي اربع عيال وحيثشردوا اعمل ايه لو هو يعني كان راجل شديد شوية وماسكه من ودانه فاركها له كده ويقول ليه اللي انت بتعمله ده ؟ ما حدش تعمل كده ثاني - 00:57:52

ادفع خمسين جنيه. طبعا خمسين جنيه آآ ما بياخدهاش يحطها في جيبه يعني. ادفع خمسين جنيه كفارة آآ الطعام ولا مش عارف ايه اللي هم ويكون هو طلقها عدة مرات - 00:58:08

واحيانا قد يكون الطلاق صريحا بل احيانا من سرد الواقعة لا يستطيع انسان في الدنيا الا ان يفتي بوقوع الطلاق. لا يوقعه كما حدث معي ومع رجل اخر من مقيم الشعائر - 00:58:24

جا لي واحد قال لي دخلت البيت فلقيت مراتي مقلوبة بقول اطنش لاني مش واخذ باله حط لنا الاكل تحط الاكل وتهب الاطباق على التراييزة. ما هو ما هو ما بينش انه فاهم انها زعلانة فعازية تعرفه انه زعلان يعني - 00:58:44

فتقوم هدى الطبق على التراييزة. وهي بتحط له الاجر هو يقول في نفسه كده اللهم طولك يا روح. تجيب الطبق الثاني تعمله كده فخطبها بهدوء. قال لها انت زعلانة من حاجة - 00:59:10

قالت له لأ مش زعلانة وقامت هدى له الايه الطبق. وراحت تجيب الباقي بدأ يتنرفز انت زعلانة ليه ؟ امك قالت لي وعادت لي وعملت لي وملت لي وسوت لي - 00:59:28

يا ستي هي ايه يعني مش مشكلة امي دي مش هتخلص ؟ ده انا من يوم ما تزوجت وانا ما عنديش مشكلة الا بينك وبين امي طب ما تلم الدور شوية وتوسعي صدرك شوية ومش عارف يعني كده برضو جاي مع امك والكلام ده انا كده العيشة الهباب دي انا مش هعرف اعيش بعد كده في العيشة الهباب دي - 00:59:43

قال لها يعني ايه ؟ قالت له يعني لو ابوك خلف راجل طلقني قال لها انا ابويا خلف راجل طبعا. بس انا مش هاطلق قالت له لأ انت انتطلق الراجل - 01:00:01

طالما القصيدة اولها كده مش هيعرف ياكل بقى ولا يطفح ولا يعمل حاجة. خلاص اتسمم بدن حب يخرج من البيت لحد ما الشياطين تهدأ وتروح والكلام ده فلقيته رايح ناحية الباب قامت جارية بالمفتاح وايه - 01:00:18

وقفل الباب ومسكت المفاتيح قالت له مش هتنزل الا اما تطلق قال لها طب حتالله بس سيبيني دلوقتي. قالت له لأ لو انت راجل ومن زهر راجل طلق. يا ستي اخزي الشيطان ابدأ - 01:00:35

اديك المفتاح اما تطلق فقال لها طيب هاتي المفتاح وانت طالق اول ما قال لها الكلمتين دول قامت مصرخة قالت له تفرط في بسهولة كده. ها؟ اه فرط في بسهولة ده كان اصابه مس من الجنون عشان يطلع من البيت ويغزي الشيطان والكلام دهوت بتقول له كده تفرط في بسهولة - 01:00:55

المفتاح وطلع من الباب وراح لمقيم شعائر قال له يا مولانا حصل كزا كزا كزا كزا قال له لأ خلاص ثلاثين جنيه وتطلعهم بتاع والطلاق لم يقع انا عايز افهم يعني اذا لم يقع هذا الطلاق فلا طلاق في الدنيا واقع - 01:01:26

ليه؟ لانه طلاق وقع على سؤال بتقول له طلق. قال لها طيب هطلق بعد شوية. عمال يعنك؟ قالت له طلق. اذا كان ابوك راجل طلق. اللي مش عارف ايه طلق. اذا كنت انت من زهر الراجل طلق - 01:01:50

لما يقول لها انت طالق يبقى غير مريد وده طالع بهذا الاستفزاز والكلام ده ودي انكحة المسلمين وبعدين هو الراجل اللي كان طلاقة يعني عشان يقعد يبعزق فيهم رايج جاي. ده لو برم شنباته ثلاث مرات في اليوم هيجيبهم. ده - [01:02:05](#)

له ثلاث طلاقات فقط مش تلتमित طلاقة عشان يقعد يبعزق له هنا شوية وهنا شوية وهنا شوية. هم ثلاث طلاقات فقط لا غير اختلاط الازياء خلى اكثر الناس لا يعرفون الفرق بين العالم وبين - [01:02:25](#)

شبيه العالم. الرجل اللي قتل تسعة وتسعين نفسا ده. لما اراد ان يتوب قال دلوني على اعلم اهل الارض. فدلوه على راهب مش على عالم راهب واحد متعبد لكنه بيلبس زي الياه؟ زي اهل العلم - [01:02:44](#)

فراح له قال له انا قتلت تسعة وتسعين نفسا. انا باتخيل منزر الراهب لما قال له قتلت تسعا وتسعين نفسا. انا حاسس كده ان الراجل ده كان هيقع من طول - [01:03:04](#)

تسعة وتسعين نفسي يا كما افتري. وجاي لك نفس تتوب بعد تسعة وتسعين نفس. انا انا بيني وبين نفسي باتخيل ان ده كان شعور الراهن. ولزلك ضاق صدره بهذا السؤال فاجاب فورا - [01:03:17](#)

قال له لا فراح ضحية لسانه ولو كان رجلا عالما لكان له فطنة واهل العلم يتميزون بالكياسة رجل قتل تسعة وتسعين نفسا يعني ذبح ضحاياه ذبح النعاج لم يذرف دمعة على قتيل. يبقى خد على كده - [01:03:35](#)

ما بيصعبش عليه حد الف القتل يبقى انت لو انسان عندك كياسة تعرف ان انت لما تنضم الى كتيبة القتلى دي حاجة مش هتهزل له شعر يبقى انت ستروح ضحية لانه رجل متعود على القتل. وقد كان فاكمل به المئة - [01:04:04](#)

لانه اغلق باب الامل في وجهه فالذي اعلمنا ان هذا راهب جاهل هذا الجواب ليس فيه كياسة كان ممكن يقول له طيب آآ راجعني بكرة او راجعني بعده او آآ اذهب الى فلان فانه يجيبك اجابة حسنة - [01:04:27](#)

اودعني اراجع مثلا اي شيء من هذا القبيل يدفعه عنه دفعا ويتملص منه الكلام ده لو هو ايه لو كان رجلا عالما لكن غلبت عليه العبادة ولم يكن عالما بطرائق المفتين في الفتوى - [01:04:53](#)

جري له الذي جرى والتحق بالضحايا الغلطة الثانية اللي هو التي اخطأ فيها بسبب جهله انه لا يحل لاحد سئل الي توبة ان يقول نعم او لا. مش شغلك لا تقل نعم ولا تقل لا - [01:05:18](#)

لكن ان اردت ان تجيب فتقول ان تبت الى الله توبة نصوحا قبل الله منك خلاص علقتها بشرط فان هو اتى بالشرط خلاص يبقى ايه؟ يجاوب انها شروط والا فعندنا مثلا حديث جندب الذي ذكرته لكم انفا - [01:05:43](#)

واضم اليه حديث ابي هريرة الذي رواه ابو داود واحمد بسند قوي من حديث ابي هريرة رضي الله عنه قال كان رجلان متواخيان في بني اسرائيل احدهما مجد والآخر مقصر - [01:06:06](#)

فكلما لقي المجد المقصر قال له انه لا يحل لك ان تقيم على العصيان فيقوم المقصر يقول له ايه قال خلني وربى ابعثك الله علي رقيبا ام جعلك علي حسيبا؟ انت ما لك وما له - [01:06:31](#)

دي مسألة بيني وبين ربي. اطلع انت منها كل ما يقابله المجد يقول له الكلمتين دول لحد كده قام المجد بدوره في الامر بالمعروف والنهي عن المنكر وهو محمود وسيرته حسنة - [01:06:51](#)

حتى كان يوم المجد لقي المقصر في الطريق قال له اتق الله انه لا يحل لك المقصر قال له الكلمتين اللي فاتوا. قال خليني وربى انت ما لك ومالي اجعلك الله علي رقيبا؟ ام جعلك علي حسيبا - [01:07:13](#)

فقال المجد للمقصر والله لا يغفر الله لك فقبض الله عز وجل روحهم وواقفهما وقال للمجد اكننت على ما في يدي قادرا ام كنت بي عالما خذوه الى النار وغفر للمقصر وادخله الجنة - [01:07:36](#)

لا يسأل عما يفعل وهم يسألون فهو افتى هذا الراهب لانه جاهل افتى فيما لا يحل له ان يفتي فيه الخلاصة التحق بالركب الماضي ثم اذن الله لهذا بتوبة فقال دلوني على اعلم اهل الارض. فدلوه على راهب عالم - [01:08:07](#)

الحديث قال كده. النبي عليه الصلاة والسلام قال كده. راهب عالم. يبقى لما قال في المرة الاولى دلوه على راهب بس يبقى راهب

جاهل وهنا لما قال على راهب عالم علمنا جهل الاول بالصفة صفة الثاني - [01:08:37](#)

قال اني قتلت مائة نفس الية توبة قال نعم ده الشطر الاول من الجواب. نعم ومن يحجب عنك باب التوبة؟ اخرج الى ارض كذا وكذا فان فيها قوما يعملون الصالحات فاعمل معهم - [01:08:56](#)

يبقى الجواب بتاعه كم فقرة؟ ثلاثة طيب الجواب كان يتم بالفقرة الاولى ام لا كان يتم بالفقرة الاولى. هو سأل قال الي توبة؟ قال نعم خلاص لكن العالم هو انصح الناس للناس - [01:09:23](#)

لو قال نعم لما تم الجواب لمصلحة السائل فالعالم الفاقه هو الذي يزيد في جوابه. خلوا بالكم من القاعدة دي لانها مهمة يزيد في جوابه عن سؤال السائل لان مصلحة السائل لا تكون الا في الزيادة - [01:09:50](#)

في حديث ابي هريرة رضي الله عنه في السنن جاء جماعة ممن يركبون البحر فقالوا يا رسول الله انا نركب البحر ويكون معنى القليل من الماء فان توضحنا به عطشنا - [01:10:23](#)

الماء العذب يعني افنتوضاً من ماء البحر كان ممكن يقول نعم وكده يبقى هو الجواب لكنه صلى الله عليه وسلم اجاب كالاتي قال هو الطهور ماؤه الحل ميتة طب هم سألوا على آآ ميتة البحر - [01:10:45](#)

لأ ما سألوش على ميتة البحر انما سألوا عن طهورية ماء البحر قال لهم اه ماء البحر طاهر ممكن تتوضى به طب ليه زود الجواب عن ميتة البحر برغم انها لم تأتي في السؤال؟ - [01:11:17](#)

قال اذا كان هؤلاء يركبون البحر بالايام وقد آآ يمتد ركوبهم الى حرب الشهور افترض انه نفذ زادهم هذا الزاد نفذ وقد استشكلوا طهورية ماء البحر مع وضوح طهوريته فلان يستشكلوا ميتة البحر - [01:11:35](#)

اولى واولى فعلم انهم قد يحتاجون ميتة البحر لطول المكث في الصيد وقد ورد في بعض الاحاديث انهم كانوا يصطادون اللؤلؤ والمرجان فدلهم على حكم يحتاجون اليه وهو ميتة البحر حتى لا يموتوا. ده العلماء بيسمونه جواب الحكيم - [01:12:05](#)

جواب الحكيم. في صحيح مسلم من حديث ابن عباس رضي الله عنهما ان جماعة من المسلمين لقوا رسول الله صلى الله عليه وسلم في بعض الطريق وكانوا لا يعرفونه. المسلمون دول اول مرة كانوا يشوفوا النبي. عليه الصلاة والسلام - [01:12:38](#)

فلما عرفوا انه هو النبي عليه الصلاة والسلام وكانوا رايعين يحجوا قال ابن عباس فرفعت امرأة صبيا صغيرا رفعته كده وقالت يا رسول الله هذا حج قال لها نعم ولك اجر - [01:13:00](#)

طب هي المرأة سألت عن الاجر لأ لم تسأل عن الاجر انما سألت هذا حج قال نعم والجواب كان خلص على كده فلماذا قال النبي صلى الله عليه وسلم ولك اجر - [01:13:29](#)

ده من محاسن الجواب ليه لان الله سبحانه وتعالى لما خلق الانسان خلقه محبا للماء يشغله ببلاش لا يعلم تدي له حافز يعمل. تزود له الحافز يعمل. تزود له الحافز يقتل نفسه من العمل - [01:13:47](#)

عشان كده بتلاقي مثلا القطاع العام الدول التي تتبنى هذا تجده فاشلا خاسرا بخلاف القطاع الخاص فانه ناجح ايه هو الفرق بين خلال العام والخاص القطاع العام انت بتروح تاخذ مرتبك - [01:14:19](#)

اشتغل ما تشتغلش بتاخذ المرتب بتاعك. القطاع الخاص يجعل الاجرة منوطة بي الانتاج القطعة دي بعشر قروش شف هتعمل لك كم قطعة في اليوم؟ تبص تلاقي واحد شغال شغال وبعدين تقول له طب بتشتغل كتير ليه؟ يقول لك يا اخي الايد البطالة نجسة. اشتغل - [01:14:42](#)

ما هو طبعا كل قطعة في مقابلها مال لو القصة دي في القطاع العام ما هوش هيشغل اصلا ده حتى في بعض الناس بيشتغلوا بالباطن يعني. ياخذ له ستميت قطعة عشان يشتغلها وهو ما يعرفش يشتغل غير مية. ويشغل ناس تانيين الخمسميت قطعة - [01:15:10](#)

بنص الاجر هو ياخذ النص وهم ياخدوا النص يقول لك يقول لك يا بخت من نفع واستنفع ما هو كل حاجة لازم تلاقي لها مسل ومسلين وثلاثة واربعة وكده وهذا المعنى رأيناه في بعض احاديث النبي عليه الصلاة والسلام - [01:15:28](#)

قال عليه الصلاة والسلام اذا قامت الساعة وفي يد احدكم فسيلة فليغرسها الفسيلة اللي هي ايه ؟ النخلة النخلة دي بتطرح بعد كم سنة؟ بعد كم سنة لما تزرعها وهي فسيلة؟ خمس سنوات على الاقل - [01:15:49](#)

على ما تطلع بلح طيب انا باغرس فسيلة الساعة قامت حد هياكل منها لأ ما فيش حد هياكل منها طب الرسول عليه الصلاة والسلام قال اغرسها ما قالكش خلاص اذا قامت الساعة فالقها او فارمها فانه لا منتفع بها قال لك اغرسها - [01:16:10](#)

طب ايه المفهوم من وراء اغرسها دي كأنما صلى الله عليه وسلم يقول لنا ان الادمي لا يفعل الشيء الا لهدف وقد جبل هو على ذلك فلا يحملنك ما جبلت عليه من رعاية الهدف - [01:16:39](#)

فتلقياها ولا تغرسها. لأ خالص طبعك واغرسها كما قلت هذا يدل على ايه؟ اني مركوز في فطرة المرء انه لا يعمل الا لهدف ايام عبدالله بن الزبير لما كان بيقاتل عبدالملك بن وهران - [01:17:06](#)

جاء رجل مشهور بالشجاعة والاقدام والكلام ده فجاء ابن الزبير وكان ابن الزبير مسيكا مسيكا يعني ايه؟ يعني الفلوس ما بيطلعهاش بسهولة يعني حتى انهم كانوا يبخلونه وقصة فجا له واحد قال له انا بقى بطل المغوار - [01:17:27](#)

اي واحد ما بياخدش في ايدي غلوة وساقاتل معك اديني كم قال له بعد ما نرجع ان شاء الله من الغزوة وآآ نحن آآ منتصرون هاديك كذا وكذا وطب ما تديني حاجة تحت الحساب. قال له لأ بعد ما نخلص - [01:17:51](#)

فتولى الرجل عنه وهو يقول اوراك تأخذ روعي نقدا وتعطيني دراهمك نسيئة يعني يعني واخذ روعي بالقسط تفترض النواة في الغزو الفلوس دي هتروح للورسة يا فرحتي. وهنا ايه اللي عملته؟ ده انا كنت عايز امسكها كده واشمها كده واحطها كده على جلدي كده واتمتع بها. وانا ساموت - [01:18:17](#)

شيئا ولى وانصرف. ليه ؟ عشان فيه فرق اهو. وقد حدث مثل هذا بس مش آآ مش من كل وجه بنصه في زمان النبي صلى الله عليه وسلم رجل صحابي كان يأكل بعض التمر - [01:18:43](#)

فقال يا رسول الله ما لي عند ربي ان قتلت في سبيله؟ قال لك الجنة فكان يأكل تمرات فقال انها لحياة طويلة حتى اكل هذه التمرات ثم رماها فقاتل حتى قتل - [01:19:02](#)

تصور ان هذا الرجل جاء النبي صلى الله عليه وسلم مثلاً وقال يا رسول الله ما لي عند ربي ان قتلت في سبيله؟ قال لا شيء كان ممكن يعني يرمي التمرات ويدخل يقاتل؟ لأ كان هياكل التمر وبعدين يا جماعة ما فيش حد معه تمر نقرقش كده وبتاع والكلام ده - [01:19:21](#)

بيلم التمر كله يقعد ياكل براحتة لكن لما قال له لك الجنة ما هو احنا كلنا اجرين. احنا مش بنشتغل بالاجرة كل ما فيه حاجة تكون فيها اجرة كلنا نقبل عليه. اي حاجة ما فيهاش اجرة كلنا - [01:19:42](#)

لا نقبل عليه. فيبقى اذا لما النبي عليه الصلاة والسلام سألته المرأة الهذا حد قال نعم ثم حفزها وحفز امثالها فقال ولك اجر فسات الواحد يكسل ياخذ الولد الصغير. يقول لك ما هو اصل لما يكبر لابد ان يحج حجة الاسلام لان هذه لا تجزئه. فقد يحمله رأى الرغبة في - [01:20:00](#)

الاجر على ان يأخذ الولد معه يبقى كسبنا ولا لأ ؟ يبقى كسبنا. ده اسمه جواب الحكيم. الراجل الراهب العالم ده لما قال له اني قتلت مائة نفس اليا توبة؟ قال نعم - [01:20:26](#)

فاجاب عن السؤال ومن يحجب عنك باب التوبة؟ امانة العلم عايز يقول له ان هذا الضرب من العلم ليس لي. انا لا استطيع ان احجب التوبة عني. العالم في الاخر له حدود. يقف عند - [01:20:44](#)

مش مخول له ان يتكلم في كل شيء ودي امانة العلم. انك انت تقول انا اعلم هذا او لا اعلم هذا. هذا لي وهذا ليس لي فاجابه اجابة صحيحة اولاً. ثم قال له هذا ليس من اختصاصي - [01:21:02](#)

اني احجب عنك باب التوبة لكن الذي انصحك به ان تخرج من ارضك ارض السوء التي مارست فيها العصيان الى ارض كذا فان فيها قوما يعملون الصالحات وهذا مما يتعين على العاصي ان يدع بلاد العصيان الى بلاد الطاعة - [01:21:25](#)

لانه لما يروح في الى بلد فاضلة لا يسمحون لاحد ان يجهر بالعصيان فهذا لا يستطيع ان يمارس القتل بين ظهرانيه لا سيما انه اقبل
تائبا الى الله عز وجل. ومن الغرائب - [01:21:49](#)

انه ورد في بعض طرق الحديث ان القرية التي كان يعيش فيها هذا القاتل كان اسمها كفرة والقرية التي امره الراهب ان يذهب اليها
كان اسمها نصره وسبحان الله الالفاظ قوارب من القوالب والمعاني - [01:22:09](#)

يعني شف الرسول عليه الصلاة والسلام امر باحسان الاسماء حتى لا تقع وقوعا مستبشعا في الاذن يعني قال لا تسمين غلامك نجاحا
ولا رباحا ولا يسارا حتى اذا قيل اثم هو قالوا لا - [01:22:32](#)

الجماعة اللي مسلا بيختاروا اسماء ولادهم آآ اسماء قبيحة الرسول عليه الصلاة والسلام سمى لنا بعض الاسماء وقد يلتحق بها الاسماء
التي تشتمل على نفس العلة. لا تسمين غلامك رباحا ولا نجاحا ولا يسارا - [01:22:57](#)

طب ليه حتى اذا قيل اثم هو قالوا لا. يعني ايه الكلام ده واحد اسمه نجاح انت رحت تسأل عنه في البيت. يا جماعة نجاح موجود
قالوا له ما فيش نجاح - [01:23:15](#)

يبقى كأنما نفى النجاح عن البيت ها لا يسار لا رباح طب المتكلم يقصد انه لا رباح لأ لكن الكلمة وقعت وقوعا مستبشعا في اذن
المستمع فلاجل رعاية اذن المستمع قال لك ما تقولش يسار ولا نجاح ولا رباح - [01:23:33](#)

كان مرة من المرات وهي طرفة من الطرائف كان عندنا انتخابات. انتخابات لمجلس الشعب في مدينة اسمها طوخ فواحد مرشح عمل
خيمة كده وبتاع والجماعة اللي هم انصاره قعد يخطب فيهم وبتاع وعمال يحمس ويقول انا هعمل كذا وهبني مستشفيات وارصف
الطرق واعمل المش عارف ايه والعاطلون اشغلهم والى اخره - [01:24:04](#)

كل شوية يسقفوا له ويهبطهم على ايه على بال ما يكمل البرنامج الانتخابي بتاعه. وفي اخر كلمة قالها قال طوق لنا وكلنا نطوخ. الله!
ما هو لطوخ دي عندنا ما اعرفش هي عندهم - [01:24:35](#)

انتم ضحكتم ما اعرفش هي عندكم برضه زي عندنا ولا لأ ما هو لوط دي عندنا جمع لطح ها واللطح دهو اللي هو والاحمق اللي هو
يعني ما لوش عرض كمان. لطح بقى - [01:24:54](#)

تمام؟ فهو ما قصدش طبعا ان هو يهين كل الجماعة اللي ساكنين في طور ولا خطر بباله. لكن قال طوق لنا وكلنا فقام مطينها في
الآخر. معناه ما قصد ها ما قصد لكن وقع وقوعا مستبشعا. فانظر الى آآ - [01:25:10](#)

آآ يعني الذوق الشريعة عندنا كيف انه يراعي حتى مثل هذا. ومرة واحد راح يسأل عن صاحبه في البيت فخرجت زوجته فقال لها
فلان موجود قالت له لأ ما تتفضل ما - [01:25:30](#)

تتفضل قال لها مات اتفضل ليه ؟ ما هي بتقول له ما تتفضل فلما جاء صاحبه قال له يا اخي علم مراتك تتكلم كويس ده بتقول لي ما
تتفضل. ما تتفضل دي كلمة عادية. اي بني ادم ممكن يقولها. ولا يقصد انه مات. لكن وقع هذا في اذن - [01:25:50](#)

المستمع وقوع المستبشعة. فشوف الارض التي مارس فيها الحسين كان اسمها كفرة والارض التي امره الراهب ان يذهب اليها كان
اسمها نصره. الالفاظ قوالب المعاني. وهذا الحديث فيه بقية مهمة - [01:26:13](#)

ساذكرها ان شاء الله عز وجل غدا تحت معنا بعض فقرات الحديث الذي ساذكره غدا ان شاء الله وقدر وبه - [01:26:32](#)